

Na osnovu člana 133. stav (1) tačka e) Zakona o policijskim službenicima Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 4/14 i 2/18), na prijedlog policijskog komesara, ministar Ministarstva unutrašnjih poslova Zeničko-dobojskog kantona, d o n o s i:

P R A V I L N I K
o sadržaju, načinu i rasporedu testiranja kandidata
u procesu odabira policijskih službenika

DIO PRVI - OPĆE ODREDBE

Član 1.
(Predmet)

Ovim pravilnikom utvrđuje se sadržaj, način i raspored testiranja, kriteriji bodovanja za svaki test, ljezarski pregled, sigurnosne provjere, Komisija za provođenje procedure javnog oglašavanja za zapošljavanje (u daljem tekstu: Komisija), kao i druga pitanja koja su od značaja u procesu odabira za prijem policijskih službenika u Upravu policije Ministarstva unutrašnjih poslova Zeničko-dobojskog kantona (u daljem tekstu: policijski organ).

Član 2.
(Primjena propisa)

Testiraju se samo kandidati koji su podnijeli potrebnu dokumentaciju i koji ispunjavaju opće i posebne uvjete propisane Zakonom o policijskim službenicima Zeničko-dobojskog kantona (u daljem tekstu: Zakon) i Pravilnikom o unutrašnjoj organizaciji Ministarstva unutrašnjih poslova Zeničko-dobojskog kantona.

DIO DRUGI - TESTIRANJE

Član 3.
(Način pristupa policijskom organu)

Testiranje se vrši prema načinu pristupa policijskom organu shodno članu 42. Zakona i to:

- a) I nivo: čin policajac sa IV stepenom stručne spreme;
- b) II nivo: čin mlađi inspektor sa najmanje završenim prvim ciklusom visokog obrazovanja 180 ECTS bodova ili VI stepenom stručne spreme.

Član 4.
(Sadržaj i redoslijed testiranja)

Kandidati koji ispunjavaju opće i posebne uvjete i koji su podnijeli svu potrebnu dokumentaciju imaju pravo pristupa testiranju po navedenom redoslijedu:

- a) test fizičke sposobnosti uključujući ocjenu morfološskog statusa;
- b) test općeg znanja uključujući pisani rad;
- c) intervju;
- d) drugi test koji policijski organ smatra potrebnim ili opravdanim.

Član 5.
(Rad Komisije prije početka testiranja)

(1) Komisija o proceduri i načinu testiranja upoznaje kandidate prije početka svakog testiranja.

(2) Prije početka testiranja Komisija utvrđuje identitet kandidata koji se testiraju uvidom u identifikacioni dokument na testu fizičke sposobnosti, testu općeg znanja i intervjuu.

Član 6.
(Test fizičke sposobnosti)

- (1) Test fizičke sposobnosti se sastoji od:
 - a) ocjene morfološkog statusa i
 - b) testiranja motoričkih sposobnosti
- (2) Ocjenu morfološkog statusa vrši Komisija kao prvi dio testa fizičke sposobnosti mjerenjem tjelesne težine i visine kandidata i ocjenom prema Kriterijima iz člana 14. ovog pravilnika.
- (3) Ocjena morfološkog statusa je eliminatorna.
- (4) Testiranje motoričkih sposobnosti provodi se prema standardima fizičke sposobnosti koji su propisani Kriterijima iz člana 14. ovog pravilnika.
- (5) Kandidat je obavezan prije pristupanja testu fizičke sposobnosti potpisati Izjavu da dobrovoljno pristupa testu fizičke sposobnosti, te da je upoznat da u slučaju povređivanja policijski organ ne snosi nikakvu odgovornost. Izjava o dobrovoljnom pristupanju testovima fizičke sposobnosti data je u prilogu, na obrascu broj 1. koji je sastavni dio ovog pravilnika.
- (6) Test fizičke sposobnosti Komisija obavlja uz prisustvo i stručnu pomoć timova pripadnika Specijalne policijske jedinice ili drugih stručnih lica a broj i strukturu timova utvrđuje, na prijedlog Komisije, policijski komesar.
- (7) Pomoć timova Specijalne policijske jedinice ili drugih stručnih lica iz stava (6) ovog člana sastoji se od demonstriranja kandidatima pravilnog izvođenja svake discipline za testiranje motoričkih sposobnosti kao i davanja ocjene da li je određena disciplina urađena ispravno i javnog saopštavanja Komisiji i kandidatima postignutih rezultata.
- (8) Broj bodova za svakog od kandidata utvrđuje se na način da se kandidati koji su stekli uslove za pristupanje ovom testu, testiraju primjenom odgovarajućih normi Kriterija iz člana 14. ovog pravilnika, a zatim rangiraju prema ostvarenim rezultatima, odnosno ukupnom broju bodova ostvarenim u ovom testu.
- (9) Kandidat koji ne zadovolji na testu fizičke sposobnosti eliminiše se iz daljeg procesa odabira, a preostali kandidati se rangiraju prema ostvarenim rezultatima i mogu pristupiti testu općeg znanja.

Član 7.
(Test općeg znanja)

- (1) Test općeg znanja sastoji se od testa informisanosti koji uključuje pisani rad.
- (2) Test informisanosti sadrži 49 pitanja iz sljedećih oblasti: nauka, kultura, sport, umjetnost, geografija, istorija i državno uređenje Bosne i Hercegovine, a pisani rad je rad koji čini samo jedno pitanje.
- (3) Za svako pitanje na testu informisanosti ponuđena su tri ili četiri opsijska odgovora od kojih je samo jedan tačan.
- (4) Kandidat prilikom rješavanja testa treba odgovoriti na svako pitanje označavanjem samo jedne opcije. U pisanom radu kandidati opisuju zadatak temu u vidu kratkog teksta.
- (5) Svaki tačan odgovor na pitanje ocjenjuje se sa jednim bodom i kandidat na testu informisanosti može osvojiti ukupno 49 bodova, a za pisani rad se može dodijeliti 0 ili jedan bod, tako da kandidat na testu općeg znanja može ukupno osvojiti 50 bodova (test informisanosti + pisani rad).
- (6) Kriteriji za ocjenu pisanog rada su: vještina pisanja i izražavanja (zadatak tema, kompozicija teksta, pravopis i gramatika).
- (7) Kandidat koji osvoji manje od 25 bodova nije zadovoljio na testu općeg znanja, i eliminiše se iz daljeg procesa odabira.

Član 8.
(Priprema testova)

(1) Pitanja za test općeg znanja Komisiji mogu predložiti udruženja, nevladine organizacije i druga zainteresirana lica, u propisanoj formi iz člana 7. stav (3) ovog pravilnika.

(2) Pitanja za test informisanosti se koncipiraju tako da se na ista može odgovoriti jasno i nedvosmisleno, odabirom jednog od opcionihi odgovora.

(3) Komisija je dužna prilikom pripreme testova informisanosti voditi računa da težinu pitanja prilagodi nivou stručne spremlie u skladu sa uslovima za pristup u čin policajac, odnosno čin mlađi inspektor.

(4) Komisija je dužna utvrditi najmanje pet puta veći broj pitanja u formi testa sa tri ili četiri opcijska odgovora.

(5) Od ukupnog broja pitanja iz stava (4) ovog člana koji se nalaze u bazi podataka, pomoću računarskog programa i metodom slučajnog izbora, Komisija formira test općeg znanja.

(6) Pitanja za test općeg znanja utvrđuje Komisija najranije dva sata prije početka testiranja uz saglasnost policijskog komesara.

(7) Za rješavanje testa općeg znanja kandidat ima na raspolaganju jedan sat (60 minuta).

(8) Prilikom rješavanja testa općeg znanja kandidatu nije dozvoljeno ometanje testiranja, korištenje bilo kakvih materijala, literature ili dodatne opreme (elektronske, tehničke i slično).

(9) Ukoliko Komisija uoči povredu iz stava (8) ovog člana, udaljava kandidata i konstatuje da kandidat nije položio test općeg znanja. Razlozi i okolnosti zbog kojih se kandidat udaljava obavezno se unose u Zapisnik o provođenju testa općeg znanja.

Član 9.
(Tajnost sadržaja testova)

(1) Komisija i lica koja su učestvovala u pripremi i obradi pitanja, dužni su čuvati tajnost sadržaja testova, kako sadržaj istih, ne bi bio dostupan kandidatima prije početka testiranja.

(2) Predsjednik Komisije, u cilju zaštite podataka iz stava (1) ovog člana, ispitni materijal kovertira i čuva tajnim do početka testiranja.

(3) Izuzetno, kada prijave podnese veći broj kandidata i kada se svi ne mogu istovremeno testirati, Komisija može testiranje provoditi više dana i u tom slučaju Komisija može u okviru istog nivoa pristupa policijskom ograni sačiniti različita pitanja za dvije ili više različitih grupa, tako da dvije ili više grupa dobiju testove različitog sadržaja.

Član 10.
(Ocjenjivanje testa općeg znanja)

(1) Ocjenjivanje testa informisanosti vrši Komisija odmah nakon završetka testiranja, a može se koristiti skener ili druga informatička oprema te putem softvera omogućiti istovremeno saopštavanje rezultata testiranja kandidatima.

(2) Nakon izvršenog ocjenjivanja testa informisanosti, kandidati se odmah usmeno obavještavaju o postignutim rezultatima, sa pravom uvida u svoj test.

(3) Pisani rad Komisija ocjenjuje nakon saopštavanja rezultata testa informisanosti.

(4) O rezultatima testa općeg znanja kandidati se obavještavaju putem oglasne ploče policijskog organa.

Član 11.
(Intervju)

(1) Komisija utvrđuje sadržaj pitanja za intervju 24 sata prije početka testiranja.

(2) Intervju se sastoji od razgovora sa kandidatom u trajanju do 10 minuta, gdje članovi Komisije kandidatu postavljaju ukupno do pet pitanja, s tim da se svim kandidatima ne moraju postaviti ista pitanja.

(3) Svaki član Komisija učestvuje u intervjuu i boduje kandidata dodjeljivanjem jednog boda ili konstatacijom da nije zadovoljio na intervjuu.

(4) Pitanja na intervjuu omogućavaju da se o kandidatu stekne objektivna slika u odnosu na njegove sposobnosti da se školuje i osposobi za rad, uključujući stil izražavanja, opći dojam o kandidatu, izgled, urednost, spretnost u konverzaciji, spremnost za timski rad, stepen tolerancije (kulturne, etničke, spolne, međunacionalne, religijske i dr.).

(5) Rezultat intervjua dobija se prostom većinom glasova svih članova Komisije tj. kandidat dobija 1 bod ukoliko su najmanje tri člana Komisije glasala za dodjelu boda, u suprotnom kandidat se eliminiše.

Član 12.

(Drugi test koji policijski organ smatra potrebnim ili opravdanim)

(1) Drugi test koji policijski organ smatra potrebnim ili opravdanim se provodi samo kada policijski organ isti propiše javnim oglasom ukoliko smatra da je isti potreban ili opravdan.

(2) Pod drugim testom koji policijski organ smatra potrebnim ili opravdanim podrazumijeva se test poznavanja korištenja informatičke tehnologije ili test druge specifične tehnologije.

(3) Sadržaj testa utvrđuje Komisija sat vremena prije početka testiranja uz saglasnost policijskog komesara i to na način da isti sadrži 15 pitanja za koja su ponuđeni opcioni odgovori od kojih je samo jedan odgovor tačan.

(4) Bodovanje se vrši tako što se broj tačno odgovorenih pitanja dijeli sa brojem 3, te tako kandidat na ovom testu može osvojiti do 5 bodova.

(5) Kandidat koji osvoji manje od 2,6 boda nije zadovoljio na ovom testu i eliminiše se iz daljeg procesa odabira.

Član 13.

(Javnost i transparentnost testiranja)

(1) Testiranje kandidata se provodi javno i transparentno na otvorenim ili zatvorenim prostorima zavisno od broja prijavljenih kandidata.

(2) Tokom provođenja testa fizičke sposobnosti iz člana 6. ovog pravilnika dozvoljeno je prisustvo javnosti, medija, nevladinih organizacija i drugih zainteresovanih lica pod uslovom da isti ne ometaju sam proces testiranja.

(3) Tokom provođenja testa općeg znanja iz člana 7. ovog pravilnika dozvoljeno je prisustvo zainteresovanih nevladinih organizacija i medija.

(4) Dijelovi procesa testiranja se snimaju putem video i tonskog zapisa u svrhu zaštite zakonitosti provedenog postupka.

Član 14.

(Kriteriji za utvrđivanje sposobnosti kandidata)

Metoda, način, vrijeme rada i sistem bodovanja testa fizičke sposobnosti, testa općeg znanja, intervjua i drugog testa, kao i ocjenjivanje kandidata vrši se na osnovu Kriterija za utvrđivanje sposobnosti kandidata u procesu odabira za prijem policijskih službenika koji su sastavni dio ovog pravilnika (u daljem tekstu: Kriteriji).

Član 15.

(Eliminacioni prag)

(1) Eliminacioni prag predstavlja onaj broj bodova koji je dovoljan za uspjeh kandidata na testu prema Kriterijima iz člana 14. ovog pravilnika.

(2) Kandidati koji nisu postigli eliminacioni prag (prolaznost na testu) eliminišu se iz daljeg procesa odabira.

(3) Komisija je dužna zapisnički konstatovati ostvarene rezultate svakog od kandidata, utvrditi broj bodova na svim testovima, te u zapisniku navesti i obrazložiti razloge eliminacije za svakog od eliminisanih kandidata.

Član 16.
(Ljekarski pregled)

(1) Ljekarski pregled se obavlja u odgovarajućoj zdravstvenoj ustanovi u skladu sa Pravilnikom o zdravstvenim pregledima policijskih službenika Ministarstva unutrašnjih poslova Zeničko-dobojskog kantona ("Službene novine Zeničko-dobojskog kantona", broj: 2/14) .

(2) Na ljekarski pregled upućuju se kandidati sa liste kandidata za upućivanje na ljekarski pregled iz člana 53a. Zakona.

(3) Ukoliko kandidat od strane ljekarske komisije bude ocijenjen "nesposoban" isti se eliminiše iz daljeg procesa odabira, a na ljekarski pregled se upućuje sljedeći kandidat sa liste kandidata prema kriterijima iz člana 52. Zakona.

(4) Organizaciju, pozivanje i upućivanje kandidata na ljekarski pregled vrši Komisija u skladu sa utvrđenom dinamikom realizacije ljekarskih pregleda, a o čemu se kandidati pravovremeno informišu putem oglasne ploče policijskog organa.

(5) Troškove ljekarskog pregleda snosi kandidat.

Član 17.
(Sigurnosne provjere)

(1) Kandidati sa liste iz člana 53a. Zakona koji su zadovoljili na ljekarskom pregledu iz člana 16. ovog pravilnika popunjavaju potrebnu dokumentaciju za vršenje sigurnosnih provjera u skladu sa Zakonom o zaštiti tajnih podataka.

(2) Stručnu pomoć kandidatima pri popunjavanju sigurnosnih upitnika i druge potrebne dokumentacije za sigurnosne provjere pruža Komisija.

(3) Poslije okončanog postupka sigurnosnih provjera u skladu sa Zakonom o zaštiti tajnih podataka policijski komesar utvrđuje konačnu listu kandidata za upućivanje na osnovnu policijsku obuku.

(4) Komisija objavljuje na oglasnoj ploči policijskog organa konačnu listu kandidata iz stava (3) ovog člana.

**DIO TREĆI - KOMISIJA ZA PROVOĐENJE PROCEDURE JAVNOG OGLAŠAVANJA ZA
ZAPOŠLJAVANJE**

Član 18.
(Sastav i imenovanje komisije)

(1) Komisiju imenuje policijski komesar.

(2) Komisija se sastoji od pet članova i to: tri policijska službenika sa činom samostalni inspektor ili višim činom koje bira policijski komesar i dva državna službenika zaposlena u Ministarstvu koji su raspoređeni na radno mjesto stručnog savjetnika ili više pozicije koje određuje ministar.

(3) Komisijom predsjedava policijski službenik sa najvišim činom.

(4) Za administrativne i tehničke poslove u Komisiji imenuje se jedan ili više zaposlenika policijskog organa.

Član 19.
(Način rada Komisije)

(1) Komisija radi u punom sastavu i odluke donosi većinom glasova.

(2) Predsjedavajući rukovodi radom Komisije, zakazuje sastanke Komisije, priprema i potpisuje sve akte Komisije.

Član 20.
(Zadaci Komisije)

Komisija ima zadatak da:

- a) preuzima prijave,
- b) pregleda prijave i priloženu dokumentaciju,
- c) vodi zapisnike o radu,
- d) donosi interni plan rada i raspored testiranja,
- e) utvrđuje sadržaje testa općeg znanja, tema za pisani rad i pitanja za intervju,
- f) provodi testiranje i utvrđuje rezultate na testovima i ukupne rezultate,
- g) obavještava kandidate putem oglasne ploče policijskog organa o kandidatima koji će pristupiti testiranju, o kandidatima koji su isključeni iz procesa odabira, o rezultatima svakog pojedinačnog testa i o kandidatima koji nisu pristupili testiranju,
- h) dostavlja policijskom komesaru liste uspješnih kandidata sa brojem osvojenih bodova na svakom testu i ukupnim brojem bodova, liste kandidata koji su isključeni iz procesa odabira i liste kandidata koji nisu pristupili testiranju,
- i) objavljuje na oglasnoj ploči policijskog organa sve liste iz tačke h) ovog člana zajedno sa listom odabranih kandidata od strane policijskog komesara predloženih za upućivanje na ljekarski pregled i sigurnosne provjere u skladu sa brojem oglašanih slobodnih radnih mjesta i
- j) objavljuje konačne liste kandidata koji se upućuju na osnovnu policijsku obuku.

Član 21.
(Naknada za rad)

(1) Predsjedniku i članovima Komisije, administrativnom i tehničkom osoblju, pripada pravo na naknadu za rad.

(2) O visini naknade iz stava (1) ovog člana odlučuje policijski komesar posebnom odlukom, a isplata se vrši prema dostavljenim mjesečnim izvještajima o radu Komisije.

DIO ČETVRTI - REDOSLIJED AKTIVNOSTI I ROKOVI POSTUPANJA KOMISIJE

Član 22.
(Redoslijed aktivnosti testiranja)

(1) Komisija će u roku od 20 dana od dana isteka roka za podnošenje prijava na oglas utvrditi listu kandidata koji ispunjavaju opće i posebne uvjete i koji su blagovremeno dostavili potpunu dokumentaciju.

(2) Komisija zapisnički konstatuje razloge eliminacije kandidata zbog neblagovremene prijave, nepotpune dokumentacije ili neispunjavanja pojedinih uvjeta i iste objavljuje na oglasnoj ploči policijskog organa u vidu liste kandidata koji su isključeni iz procesa testiranja.

(3) Testiranje svih kandidata koji su stekli uvjete za pristupanje testovima će započeti najkasnije u roku od 30 dana poslije isteka roka za podnošenje prijava na oglas.

(4) Ukoliko je pravo za pristupanje testiranju stekao nesrazmjerno veliki broj kandidata, testiranje se može istovremeno obaviti na više lokacija ili u više dana. Policijski komesar će u slučaju istovremenog testiranja kandidata na više lokacija, na zahtjev Komisije, pismeno odrediti potreban broj policijskih službenika ili državnih službenika sa zadatkom pružanja tehničke pomoći članovima Komisije u provođenju procesa testiranja.

Član 23.
(Utvrdjivanje konačnih rezultata)

(1) Komisija konačne rezultate testiranja utvrđuje najkasnije u roku od 15 dana od dana okončanja testiranja i iste u obliku lista propisanih u članu 49. stav (3) tačka h) Zakona, dostavlja policijskom komesaru radi odabira kandidata.

(2) Maksimalan broj bodova koje kandidat može postići na testiranju je 100 (stotinu) bodova, od čega 49 bodova na fizičkom testu, 50 bodova na testu općeg znanja i 1 bod na intervju.

(3) U slučaju provođenja i testa iz člana 12. ovog pravilnika maksimalan broj bodova je 105 (stotinupet) obzirom da se na tom testu može postići do 5 bodova.

(4) Za kandidate koji imaju isti zbir bodova primjenjuju se odredbe drugih zakona koje kandidatima daju prednost u takvim slučajevima.

(5) Ukoliko se prednost kandidatu ne može dati primjenom stava (4) ovog člana prednost ima kandidat koji je ostvario veći broj bodova na testu općeg znanja, a u slučaju da i tada kandidati imaju isti zbir bodova, prednost ima kandidat koji je ostvario veći broj bodova na testu fizičke sposobnosti, a ukoliko i tada imaju isti zbir bodova prednost ima mlađi kandidat.

(6) Prilikom odabira kandidata policijski komesar može, u smislu člana 4. stav (1) Zakona odabrati kandidata sa liste uspješnih kandidata koji ima manji broj bodova od bolje rangiranih s tim da taj kandidat ima veći broj bodova u odnosu na kandidate iste nacionalne pripadnosti.

(7) Policijski komesar dostavlja listu odabranih kandidata Komisiji radi objavljivanja na oglasnoj ploči policijskog organa.

Član 24.
(Pravo žalbe)

U roku od 8 (osam) dana od dana objavljivanja lista iz člana 49. stav (3) tačke h) i i) i 52. stav (2) Zakona svaki kandidat može izjaviti žalbu policijskom odboru.

DIO PETI - PRIJELAZNE I ZAVRŠNE ODREDBE

Član 25.
(Prestanak primjene važećeg propisa)

Ovim pravilnikom stavlja se van snage Pravilnik o načinu i rasporedu testiranja kandidata u procesu odabira policijskih službenika - Prečišćeni tekst ("Službene novine Zeničko-dobojskog kantona", broj: 1/15).

Član 26.
(Stupanje na snagu)

Ovaj pravilnik stupa na snagu osmog dana od dana objavljivanja na oglasnoj ploči policijskog organa, a isti će se objaviti u "Službenim novinama Zeničko-dobojskog kantona".

Broj: 08-01-02-1-_____/19

M I N I S T A R

Dana: _____ 2019 godine.

Nikola Arsenić

KRITERIJI ZA UTVRĐIVANJE SPOSOBNOSTI KANDIDATA
U PROCESU ODABIRA ZA PRIJEM POLICIJSKIH SLUŽBENIKA
(sastavni dio Pravilnika o sadržaju, načinu i rasporedu testiranja kandidata u procesu odabira
policijskih službenika iz člana 14.)

I TEST FIZIČKE SPOSOBNOSTI
(Član 6. Pravilnika)

Kandidati se testiraju u sportskoj opremi (trenerka, patike, majica, sportski šorc i dr.).

A. Ocjena morfološkog statusa

a) Morfološki status kandidata određuje se na osnovu:

- tjelesna težina u kg, u odnosu na visinu u cm minus 100.

b) Morfološki status ispunjavaju:

○ muškarci ukoliko im je:

- tjelesna visina 172 cm i više i

- tjelesna težina: +10 i -10 kg u odnosu na visinu.

○ žene ukoliko im je:

- tjelesna visina 162 cm i više i

- tjelesna težina: +10 i -15 kg u odnosu na visinu.

c) Mjerenje težine i visine se vrši istim mjernim instrumentom (vagom i metrom) za sve kandidate.

d) Kriteriji za ocjenu morfološkog statusa kandidata su eliminatorni. Kandidati koji ne ispune kriterij morfološkog statusa iz tačke b) ne pristupaju ocjeni motoričkih sposobnosti i eliminišu se iz daljeg procesa testiranja.

B. Testiranje motoričkih sposobnosti vrši se primjenom sedam testova:

I - Opis pojedinih disciplina motoričkih sposobnosti

1. Sklekovi za 60 sekundi:

a) Instrumenti:

- štoperica sa 1/10 sekundi, strunjače

b) Zadatak:

- kandidat zauzme položaj horizontalni upor na rukama, tako da dlanovima ruku i prstima nogu dodiruje podlogu. Ruke su postavljene u širini ramena vertikalno na podlogu, dok se trup i noge u ravnom (plank) položaju i ne dodiruju podlogu (karlica ne smije da bude izbačena ili spuštena). Na znak mjериoca kandidat radi sklek cijelim tijelom istovremeno. Zabranjeno je bilo kakvo uvijanje u toku rada, rad samo gornjim ili donjim dijelom tijela ili jednom pa drugom stranom. Odmor je dozvoljen samo u naprijed opisanom početnom položaju. Sklek se broji kada ispitanik iz početnog položaja grudima dodirne pod te se vrati u početni položaj sa poptuno opruženim laktovima. Zadatak se radi u majici kratkih rukava.

c) Ocjenjivanje:

- ocjenjuje se broj korektno (pravilno) izvedenih i dovršenih sklekova u intervalu od 60 sekundi.

d) Napomena:

- pravilno izvođenje sklekova će se demonstrirati i istovremeno davati uputstvo.

2. Pretkloni (trbušnjaci) za 60 sekundi:

a) Instrumenti:

- štoperica sa 1/10 sekundi, dvije strunjače 1x1m.

b) Zadatak:

- kandidat zauzima početni položaj za rad tako što sjedne i savije noge u koljenima pod uglom od 90°, tijelo podigne u uspravan položaj, pri čemu ima pomoć partnera, stavi dlanove na potiljak glave sa laktovima razmaknutim u stranu i splete prste. Partner-pomagač mu ispruženih

nogu sjedne na stopala, provuče ruke ispod potkoljenica i čvrsto drži. Na znak mjerioca kandidat spušta tijelo tako da podlogu dotakne sa obje lopatice istovremeno, zatim se podiže pri čemu izvodi zasuk tijelom, tako da jednim laktom dotakne suprotno koljeno. Kod slijedećeg podizanja obavezno se radi zasuk u drugu stranu. Radi se 60 sekundi.

c) Ocjenjivanje:

- ocjenjuje se broj korektno izvedenih i dovršenih dizanja u vremenu od 60 sekundi.

3. Skok u dalj iz mjesta

a) Instrumenti:

- tatami strunjače ili pijesak
- mezbah za mjerenje ili metar, šiljak za markiranje

b) Zadatak:

- kandidat zauzme poziciju na samoj ivici linije obilježene na parketu ili betonu i doskoči na strunjaču ili pijesak što može dalje, obavezan je sunožan doskok. Izvode se tri ispravna pokušaja a kao rezultat za ocjenjivanje se uzima najbolji skok. Pri izvođenju skoka kandidat ne smije: prestopiti, napraviti dupli skok, odraziti se s jedne noge i učiniti bilo kakvu vrstu zakoraka.

c) Ocjenjivanje:

- mjeri se dužina skoka normalno na odraznu liniju. Boduje se bolji rezultat izmjeren u centimetrima. Tačnost mjerenja je 1 centimetar.

d) Napomena:

- kandidat može skakati bos ili u obući. Skok se izvodi iz sunožnog položaja stopala. Dozvoljeno je podizanje na prste prije skoka.

4. Test anerobnog kapaciteta i brzine – sprint 100 m

a) Instrumenti:

- štoperica,
- klapa,
- stalak visine 180cm,
- staza od 100 metara
- pištaljka

b) Zadatak:

- kandidati zauzmu položaj ispred startne linije. Pomoćni ispitivač stane pored i izdaje naredbe: Na mjestu: kandidat zauzme položaj niskog starta na startnoj liniji. Na naredbu "Pozor" kandidat u skladu sa uputstvima izvrši pripremu. Na znak "Udar klape" kandidat starta i maksimalnom brzinom prelazi prostor do ciljne linije. Zadatak je završen kada kandidat grudima pređe liniju cilja, trči bos ili u patikama. Zadatak se izvodi jednom.

c) Ocjenjivanje:

- mjeri se vrijeme za koje je kandidat pretrčao 100 m u sekundama sa dvije decimale.

5. Kuperov test trčanje 12 minuta

a) Instrumenti:

- štoperica 1/10,
- mjerne liste,
- brojevi za kandidate,
- staza od 400 metara,
- zastavice ili čunjevi za obilježavanje staze i
- pištaljka

b) Zadatak:

- kandidat trči na atletskoj stazi, 400 metara/krug, 12 minuta. Na znak mjerioca vremena (pištaljka) kreće sa cilja iz visokog starta, a na drugi znak mjerioca (pištaljka) staje i čeka da se završi postupak očitavanja ostatka pređenog puta nakon punog kruga. Kandidatu se svakog minuta saopštava vrijeme zbog orijentacije. Kandidat stazu prelazi trčeći ili hodajući. Stajanjem se označava prekid rada i upisuje se do tada pretrčana dionica.

c) Ocjenjivanje:

- mjeri se pređena dužina u metrima.

6. Magont (okretnost na tlu)

a) Instrumenti:

- osam strunjača dimenzija 1x1m. Strunjače su postavljene uzdužno 6 komada i poprečno 2 komada, tako da se sve zajedno čine poligon u obliku slova "L". Na kraju druge strunjače koja je postavljena poprečno postavljen je propisno smotani džudo kimono.

- džudo kimono propisno smotan

- štoperica

b) Zadatak:

- kandidat leži potrbuške, poprečno na početku prve strunjače i potpuno je opružen (opružene i ruke i noge). Na znak "sad" kandidat potpuno opružen se valja po uzdužnoj osi, dok ne dođe do sredine šeste strunjače. Kada dođe do sredine šeste strunjače obavezan je da se u njenom centru postavi u položaj četvoronoške, zatim u tom položaju ide unazad preko sedme i osme strunjače do kimona (pravilno smotanog), koji se nalazi na kraju osme strunjače kojeg obuhvata koljenima bez upotrebe ruku i bez okretanja. Onda se četvoronoške vraća do šeste strunjače u čijem centru se okreće za 90 stepeni, leđima prema prvoj strunjači (kimono je cijelo vrijeme među nogama), a zatim se kolotovima unazad koluta do kraja prve strunjače i tek tada pušta kimono.

c) Ocjenjivanje:

- mjeri se vrijeme od izdatog znaka "sad", pa dok kandidatu bilo koji dio tijela ne pređe ivicu prve strunjače (startna linija). Test se izvodi dva puta. Boduje se bolji rezultat.

d) Napomena:

- ako kandidatu ispadne kimono, mora ga bez pomoći ruku ponovo uhvatiti nogama i nastaviti zadatak. Kandidat ima pravo na jedno uvježbavanje.

7. Koverta test

a) Instrumenti:

- strunjača 3x5 metara ili podloga

- stalci 5 komada

- štoperica

b) Zadatak:

- radni podijum je pravougaonik dimenzija 3x5 metara. Na svakom uglu nalazi se po jedan stalak koji uokviruje navedeni pravougaonik i u sredini pravougaonika nalazi se centralni stalak. Kandidat stoji sa vanjske strane stalka (sa lijeve ili desne strane). Na znak "Sad" trči oko oba stalka sa vanjske strane, prema sredini običe oko srednjeg stalka i trči prema suprotna dva vanjska stalka, a zatim opet oko srednjeg stalka i dolazi do početnog položaja. Cijela ova kretanja izvode se u obliku broja "8". U jednom mjerenju ispitanik ima zadatak da tri puta istrči "8".

c) Ocjenjivanje:

- mjeri se i ocjenjuje vrijeme za koje kandidat tri puta običe zadanu stazu. Vrijeme se mjeri u desetinkama sekunde.

d) Napomena:

- svi kandidati imaju pravo na dva pokušaja. Boduje se bolji rezultat. Svi kandidati rade bosu na strunjačama ili u patikama na podlozi. Poligon se može raditi i u lijevu i u desnu stranu po izboru kandidata.

Discipline motoričkih sposobnosti boduju se na osnovu postignutih rezultata, skalom od 0 do 10 bodova za svaku disciplinu, a ukupan broj bodova koje kandidat može ostvariti na testu motoričkih sposobnosti dobija se sabiranjem bodova svake discipline, a maksimalni broj bodova je 70, koji se zatim množi sa koeficijentom 0,7, tako da kandidat na testu fizičke sposobnosti može ukupno ostvariti 49 bodova. Eliminacioni prag zadovoljio je kandidat koji je osvojio najmanje 25 bodova. Kandidat koji osvoji manje od 25 bodova eliminiše se iz daljeg procesa testiranja.

Kandidat se eliminiše iz daljeg procesa testiranja ukoliko je na tri discipline ocjenjen sa 0 bodova, bez obzira na ukupno ostvaren broj bodova na testu motoričkih sposobnosti.

Svi kandidati koji zadovolje će biti rangirani na osnovu broja postignutih bodova na testiranju motoričkih sposobnosti.

II - Normativi ocjene motoričkih sposobnosti:

TESTIRANJE MOTORIČKIH SPOSOBNOSTI ZA MUŠKARCE OD 18 DO 27 GODINA

SKLEKOVI	TRBUŠNJACI	SKOK U DALJ IZ MJESTA	KUPER TEST 12 min.	SPRINT 100 m	MAGONT	KOVERTA	BODOVI
50	49	280 cm	3200 m	12,00 s	14,50 s	21,00 s	10
48	47	275 cm	3000 m	12,30 s	14,90 s	21,70 s	9
46	45	270 cm	2800 m	12,60 s	15,30 s	22,40 s	8
43	42	265 cm	2600 m	12,90 s	15,80 s	23,20 s	7
41	39	255 cm	2400 m	13,20 s	16,30 s	24,00 s	6
38	36	245 cm	2250 m	13,50 s	16,90 s	24,80 s	5
35	33	235 cm	2100 m	13,80 s	17,50 s	25,80 s	4
32	30	225 cm	1900 m	14,20 s	18,10 s	26,60 s	3
28	26	215 cm	1750 m	14,60 s	18,80 s	27,90 s	2
24	22	205 cm	1600 m	15,00 s	19,50 s	29,00 s	1

TESTIRANJE MOTORIČKIH SPOSOBNOSTI ZA ŽENE OD 18 DO 27 GODINA

SKLEKOVI	TRBUŠNJACI	SKOK U DALJ IZ MJESTA	KUPER TEST 12 min.	SPRINT 100 m	MAGONT	KOVERTA	BODOVI
40	38	240 cm	2800 m	15,00 s	16,50 s	23,00 s	10
37	36	230 cm	2600 m	15,30 s	16,90 s	23,70 s	9
34	34	220 cm	2400 m	15,60 s	17,30 s	24,40 s	8
31	32	210 cm	2200 m	15,90 s	17,80 s	25,20 s	7
28	30	200 cm	2000 m	16,20 s	18,30 s	26,00 s	6
25	28	190 cm	1850 m	16,50 s	18,90 s	26,80 s	5
22	26	180 cm	1700 m	16,80 s	19,50 s	27,80 s	4
19	23	170 cm	1500 m	17,20 s	20,10 s	28,60 s	3
16	20	160 cm	1350 m	17,60 s	20,80 s	29,90 s	2
13	17	150 cm	1200 m	18,00 s	21,50 s	31,00 s	1

TESTIRANJE MOTORIČKIH SPOSOBNOSTI ZA MUŠKARCE OD 28 DO 35 GODINA

SKLEKOVI	TRBUŠNJACI	SKOK U DALJ IZ MJESTA	KUPER TEST 12 min.	SPRINT 100 m	MAGONT	KOVERTA	BODOVI
48	48	270 cm	3100 m	12,30 s	15,00 s	21,50 s	10
46	46	265 cm	2900 m	12,60 s	15,40 s	22,20 s	9
44	44	260 cm	2700 m	12,90 s	15,80 s	22,90 s	8
41	41	255 cm	2500 m	13,20 s	16,30 s	23,70 s	7
39	38	245 cm	2300 m	13,50 s	16,70 s	24,50 s	6
36	35	235 cm	2150 m	13,80 s	17,40 s	25,30 s	5
33	32	225 cm	2000 m	14,10 s	18,00 s	26,30 s	4
30	29	215 cm	1800 m	14,50 s	18,60 s	27,10 s	3
26	25	205 cm	1650 m	14,90 s	19,30 s	28,40 s	2
22	21	195 cm	1500 m	15,30 s	20,00 s	29,50 s	1

TESTIRANJE MOTORIČKIH SPOSOBNOSTI ZA ŽENE OD 28 DO 35

SKLEKOVI	TRBUŠNJACI	SKOK U DALJ IZ MJESTA	KUPER TEST 12 min.	SPRINT 100 m	MAGONT	KOVERTA	BODOVI
38	36	230 cm	2700 m	15,30 s	17,00 s	23,50 s	10
35	34	220 cm	2500 m	15,60 s	17,40 s	24,20 s	9
32	32	210 cm	2300 m	15,90 s	17,80 s	24,90 s	8
29	30	200 cm	2100 m	16,20 s	18,30 s	25,70 s	7
25	28	190 cm	1900 m	16,50 s	18,70 s	26,50 s	6
23	26	180 cm	1750 m	16,80 s	19,40 s	27,30 s	5
20	24	170 cm	1600 m	17,10 s	20,00 s	28,30 s	4
17	21	160 cm	1400 m	17,50 s	20,60 s	29,10 s	3
14	18	150 cm	1250 m	17,90 s	21,30 s	30,40 s	2
11	15	140 cm	1100 m	18,30 s	22,00 s	31,50 s	1

TESTIRANJE MOTORIČKIH SPOSOBNOSTI ZA MUŠKARCE PREKO 35 GODINA

SKLEKOVI	TRBUŠNJACI	SKOK U DALJ IZ MJESTA	KUPER TEST 12 min.	SPRINT 100 m	MAGONT	KOVERTA	BODOVI
46	45	260 cm	3000 m	12,60 s	15,50 s	22,50 s	10
44	43	255 cm	2800 m	12,90 s	15,90 s	23,20 s	9
42	41	250 cm	2600 m	13,10 s	16,30 s	23,90 s	8
39	38	245 cm	2300 m	13,50 s	16,80 s	24,70 s	7
37	35	235 cm	2200 m	13,80 s	17,20 s	25,50 s	6
34	32	225 cm	2050 m	14,10 s	17,90 s	26,30 s	5
31	29	215 cm	1900 m	14,40 s	18,50 s	27,30 s	4
28	26	205 cm	1700 m	14,80 s	19,10 s	28,10 s	3
24	22	195 cm	1550 m	15,20 s	19,80 s	29,40 s	2
20	19	185 cm	1400 m	15,60 s	20,50 s	30,50 s	1

TESTIRANJE MOTORIČKIH SPOSOBNOSTI ZA ŽENE PREKO 35 GODINA

SKLEKOVI	TRBUŠNJACI	SKOK U DALJ IZ MJESTA	KUPER TEST 12 min.	SPRINT 100 m	MAGONT	KOVERTA	BODOVI
36	34	220 cm	2600 m	15,60 s	17,50 s	24,50 s	10
33	32	215 cm	2400 m	15,90 s	17,90 s	25,20 s	9
30	30	205 cm	2200 m	16,20 s	18,30 s	25,90 s	8
27	28	195 cm	2000 m	16,50 s	18,80 s	26,70 s	7
23	26	185 cm	1800 m	16,80 s	19,20 s	27,50 s	6
21	24	175 cm	1650 m	17,10 s	19,90 s	28,30 s	5
18	22	165 cm	1500 m	17,40 s	20,50 s	29,30 s	4
15	20	155 cm	1300 m	17,80 s	21,10 s	30,10 s	3
13	17	145 cm	1150 m	18,10 s	21,80 s	31,40 s	2
10	14	135 cm	1000 m	18,40 s	22,50 s	32,50 s	1

II TEST OPĆEG ZNANJA

(član 7. Pravilnika)

Test informisanosti sadrži 49 pitanja, a pisani rad se sastoji od jednog pitanja.

Svako pitanje na testu informisanosti ima tri ili četiri ponuđena opsijska odgovora, a tačan je samo jedan.

Kandidat će na listu za odgovore označiti tačan odgovor (upisivanjem u kvadratić oznake "x" ili zaokruživanjem slova ispred tačnog odgovora), a u pisanom radu kandidati opisuju zadatu temu u vidu kratkog teksta.

Svaki tačan odgovor boduje se sa jednim bodom, tako da kandidat na testu informisanosti može ukupno ostvariti 49 bodova, a za pisani rad se može dodijeliti 0 ili jedan bod, tako da kandidat na testu općeg znanja (test informisanosti + pisani rad) može ukupno ovojiti 50 bodova.

Vrijeme testiranja je 60 minuta.

Eliminacioni prag na testu općeg znanja (test informisanosti i pisani rad) je 25 bodova i kandidat koji ostvari manje od 25 bodova se eliminiše iz daljeg procesa testiranja.

III INTERVJU

(Član 11. Pravilnika)

Intervju se obavlja u prostorijama i na lokacijama koje odredi Komisija .

Kandidate koji su ostvarili pravo pristupa intervjuu Komisija obavještava putem oglasne ploče. Maksimalan broj bodova koje kandidat može osvojiti na intervjuu je 1 (jedan) bod.

Eliminacioni prag je kandidat postigao ukoliko su tri od pet članova Komisije glasala da se kandidatu dodijeli bod (prosta većina glasova) a kandidat koji ne osvoji bod eliminiše se iz daljeg procesa odabira.

**IV DRUGI TEST KOJI POLICIJSKI ORGAN SMATRA POTREBNIM ILI OPRAVDANIM
(Član 12. Pravilnika)**

Drugi test koji se određuje prema ovom pravilniku se boduje u rasponu od 0 (nula) do 5 (pet) bodova.

Bodovanje se vrši tako što se ukupan broj tačno odgovorenih pitanja na testu dijeli sa brojem 3, a eliminacioni prag je kandidat postigao ukoliko je osvojio 2,6 ili više bodova, dok se u suprotnom eliminiše iz daljeg procesa odabira.

MINISTAR

Nikola Arsenić

IZJAVA
O DOBROVOLJNOM PRISTUPANJU TESTOVIMA FIZIČKE SPOSOBNOSTI

Ja, _____, izjavljujem da dobrovoljno pristupam testovima fizičke sposobnosti u postupku odabira kandidata za prijem policijskih službenika u Upravi policije Ministarstva unutrašnjih poslova Zeničko-dobojskog kantona, te da sam upoznat da u slučaju mog povređivanja policijski organ ne snosi odgovornost.

K A N D I D A T

U Zenici, _____ godine.